

Här Fernand Etgen
President vun der Deputéiertechamber
19, um Krautmaart
L-1728 Lëtzebuerg

Lëtzebuerg, den 23. Abrëll 2021

Här President,
sou wéi d'Chambersreglement et virgesäit, bieden mir lech, dës parlamentaresch Fro un d'Madamm
Gesondheitsminister weiderzeleeden.

An engem rezente Artikel aus dem *Télécran* geet ervir, datt déi meescht Neiinfektione mam
Covid-Virus am Süde vu Lëtzebuerg optrieden. Deemno hätten sech tëscht Mëtt Mäerz an
Ufank Abrëll am Kanton Esch 1947 Persoune mam Virus ugestach, während sech am Kanton
Lëtzebuerg iwwert dee selwechten Zäitraum "just" 1062 Persoune mam Covid-Virus ugestach
hunn.

An deem Kontext hätte mir folgend Froen un d'Madamm Gesondheitsminister:

1. Ass sech d'Regierung bewusst, datt d'Zuelen am Süde vum Land substantiell méi héich
sinn, ewéi am Rescht vum Land?
2. Wa jo, wéi erkläert sech d'Regierung déi héich Zuel un Neiinfektionen am Süde vum
Land? Wat sinn d'Ursaachen, déi heifir verantwortlech sinn?
3. Wéi gedenkt d'Regierung dësem negativen Trend vun Neiinfektionen am Süde vum
Land entgéintzewierken?

Mat déiwem Respekt,



Fernand Kartheiser
Deputéierten



Jeff Engelen
Deputéierten